

ინტერვიუ: ბესარიონ გუგუშვილი



1. თუ შეიძლება, მოკლედ გაეცანით *“ჩვენებურის”* მკითხველს.

ვარ 57 წლის. დავამთავრე თბილისის უნივერსიტეტის აღმოსავლეთმცოდნეობის ფაკულტეტი - თურქეთის ისტორიის სპეციალობით. მანამდე ვსწავლობდი აგრეთვე ეკონომიკის ფაკულტეტზე - ფინანსებსა და კრედიტს. შემდეგ დავიცავი დისერტაცია თურქეთის მრეწველობის განვითარების შესახებ. 1971-1989 წლებში ვასწავლიდი თბილისის უნივერსიტეტში. 1972-1990 წლებში ვმუშაობდი მეცნიერებათა აკადემიის სამეცნიერო ინფორმაციის ცენტრში. ასე, რომ ცხოვრების უდიდესი ნაწილი აკადემიურ კარიერას მოვანდომე. 1990 წელს დამნიშნეს საქართველოს სახელმწიფო კინოკორპორაციის პრეზიდენტად და კულტურის მინისტრის მოადგილედ. 1991 წელს დამნიშნეს საქართველოს პრემიერ მინისტრად. 1993 წელს ვიყავი აგრეთვე ჩეჩნეთის მთავრობის წევრი - სახელმწიფო სტატისტიკური დეპარტამენტის უფროსი და ჯოჰარ დუდაევის მრჩეველი ეკონომიკურ საკითხებში.

2. როგორ გაიცანით ზვიად გამსახურდია?

ჩემი მშობლები კონსტანტინე გამსახურდიას და ქალბატონ მირანდას დიდი ხნის ახლო მეგობრები იყვნენ და მაგალითად მათს ქორწინებაზე იყვნენ მიწვეული მონაწილეები. ისე - რომ ბატონ ზვიადს ბავშვობიდანვე ვიცნობდი და ვმეგობრობდი - თუმცა ჩემზე უფროსი იყო.

3. რას გვეტყვით მის შესახებ?

ზვიად გამსახურდიას და ჯოჰარ დუდაევს მე კავკასიის ყველა დროის უდიდეს რაინდებად და გმირებად ვთვლი და დარწმუნებული ვარ რომ კავკასიის ხალხები ამას მომავალში ერთთავად სწორედ ასე მიიღებენ. მე არ მინდა მათი დაშორება. ისინი ერთად უნდა მოვიხსენიოთ. ისეც უნდა მომხდარიყო, რომ ეს ორი გმირი ერთმანეთს შეხვედროდა და დამეგობრებულიყო. ამით მათ საერთოდ კავკასიური მოდგმის მეგობრობის განახლებას ჩაუყარეს საფუძველი.

4. თქვენი აზრით, რა შეცდომები დაუშვა, რომლებმაც ტრაგიკულ შეცდომამდე მიიყვანა?



Peynirli Su Boregi

Antep baklavasi, kunefe, katmer, su boregi, maras dondurmasi imalatcisi Keyfood



Tattoo of Your Dreams

ნუ აყვებით ანტიქართული იდეოლოგიისა და პროპაგანდის ტალღას, კა-გე-ბეს მონაჭორებსა და ბინძურ მონაჩმახებს.

არავითარი შეცდომები პრეზიდენტ ზვიად გამსახურდიას არ დაუშვია. მისი ხელისუფლება სწორედ იმიტომ დაამხეს, რომ შეცდომებს არ უშვებდა და საქართველო მტკიცედ მიჰყავდა დამოუკიდებლობისაკენ და დემოკრატიისაკენ.

დაამხეს იმიტომ, რომ ხალხს ერთგულად ემსახურებოდა. დაამხეს კრიმინალებმა და საქართველოს მტრებმა, რომლებმაც მას შემდეგ საქართველოს უამრავი უბედურება მოუტანეს - სულ პირადი გამდიდრებისა და ანგარების მიზნით.

თუ გნებავთ სინამდვილეში გაერკვეთ - მთავარი ყურადღება დაუთმეთ, შეისწავლეთ, წერეთ და ილაპარაკეთ იმ უდიდეს მიღწევებზე - რომელიც საქართველოსა და ქართველ ხალხს ზვიად გამსახურდიას სახალხო და ეროვნულმა ხელისუფლებამ მოუტანა.

დასვით კითხვა - რატომ არ უნდათ საქართველოს მტრებს ილაპარაკონ და წერონ ამ მიღწევებზე? განა დამოუკიდებლობა საქართველოში თავისთავად მოვიდა? თუ საქართველო დამოუკიდებელი შევარდნაძის კრიმინალურ-კლუბტოკრატიულმა რეჟიმმა გახადა?

დასვით კითხვა ასე - რატომაა რომ როდესაც საქმე გამსახურდიას ეხება უნდათ მის შეცდომებზე ლაპარაკი - ხოლო, როდესაც საქმე მის მტრებს ეხებათ - სულ მათს ვითომ დამსახურებასა და მიღწევებზე ლაპარაკობენ? პროპაგანდა...



5. რამდენ ხანს იყავით პრემიერმინისტრი და ამ ხნის განმავლობაში რა გააკეთეთ?

საკუთრივ თბილისში - პრემიერ მინისტრის ოფისში ოთხი თვე დავყავი - აქედან სრული ერთი თვე პუტჩები მიმდინარეობდა...

მთავარია რა არ გავაკეთე: არ მომიპარავს! ქრთამი არ ამიღია! არაფერი არ მიმითვისებია და არ დამიპრივატებია! არც სხვებისათვის მიმიცია ამის შესაძლებლობა - რამდენმეც ხელი მიმინჯდა. სხვა ასეთი მაგალითი იცით?

გაკეთების მხრივ კი ძალზე ბევრი რამ მოვახერხეთ - თუმცა ეს ცალკე საუბრის თემაა.

საჭიროა შეგახსენოთ - პრემიერ მინისტრის თანამდებობიდან ჩემი განთავისუფლების არავითარი ლეგალური დოკუმენტი არ არსებობს... თუ იცით ასეთი დოკუმენტის არსებობაზე - დავალებული ვიქნები მისამართს მიმითითებთ ან თუ მომანვლით...

6. პარლამენტის შიგნით არსებული განხეთქილების უკან, რომელიც გამსახურდიას სანინააღმდეგოდ იყო მიმართული, ვინ იდგა? შევადნაძე? რუსეთი?



Tattoo of Your Dreams

დავინწყოთ იქიდან თუ რატომ გახდა თურქეთი ნატოს წევრი? პასუხი - იმიტომ გახდა რომ რუსეთის ანუ საბჭოთა კავშირისა ეშინოდა. ესე იგი საბჭოთა კავშირი თურმე საშიში და ვერაგი იმპერია ყოფილა. ზვიად გამსახურდიას მთავრობამ ამ ვერაგ და სასტიკ იმპერიას დაუნყო ბრძოლა დამოუკიდებლობისათვის! როგორ გგონიათ ამისათვის ზვიადს საბჭოთა რუსეთი ვარდ-ყვავილებს მიართმევდა? სწორედ ისევე - როგორც ჩეჩნეთის სახალხო ხელისუფლებას... განა ჯოხარ დუდაევის დროინდელ ჩეჩნეთში ომი იჩკერიის პარლამენტში განხეთქილების გამო დაიწყო? თუ გროზნი - ჯოჰარ-ღალი ჩეჩნეთის პარლამენტში არსებული განხეთქილების გამო გაასწორა მინასთან "დემოკრატიულმა" რუსეთმა? რატომ გინდათ რომ თავი მოიტყუოთ? თუ სიმართლე გინდათ - 1989 წლის 9 აპრილს დაიწყო საქართველოს განმათავისუფლებელი ომი საბჭოთა რუსეთის იმპერიის წინააღმდეგ, სამამულო ომი - ომი დიდი, სისხლიანი და ძნელი. ამ ომში საქართველომ დაკარგა ტერიტორიები, დაიღუპა 45 ათასზე მეტი ქართველი და სწორედ ამ ომისავე ნაწილი იყო 1991-1992 წლების პუტჩი.

არავითარი საქართველო-აფხაზეთის ომი არ ყოფილა. იყო რუსეთ საქართველოს ომი აფხაზეთისათვის! არავითარი საქართველო-ოსეთის ომიც არ ყოფილა. იყო რუსეთ-საქართველოს ომი სამაჩაბლოსათვის! აფხაზეთის მოსახლეობასაც და სამაჩაბლოს მოსახლეობასაც დღეს რუსული პასპორტები აქვთ!!! ამავე დროს დაიწყო რუსეთ-კავკასიის ომი, რომელიც დღესაც გრძელდება. საქართველო დღესაც რჩება ოკუპირებულ ქვეყნად - რუსეთის საოკუპაციო არმიის მიერ, რომელის საქართველოდან გაყვანა რუსეთს არაფრით არ უნდა. და ამ არმიას საოკუპაციო არმიის სტატუსი სწორედ ზვიად გამსახურდიას ხელისუფლებამ მიანიჭა! და სწორედ ზვიად გამსახურდიას ხელისუფლება არის ერთად ერთი ხელისუფლება - რომელმაც სცნო ჩვენი გმირი ძმების, ჩეჩნების დამოუკიდებლობა... დარწმუნებული ვარ - მომავალში როდესაც ჩეჩნეთი დამოუკიდებელი გახდება - ჯოჰარ-ღალში ზვიადის დიდი ძეგლი იდგმება! თქვენ კი - პარლამენტის განხეთქილებებით... შევარდნაძეო... ნუ დანვრილმანდებით გეთაყვა...

7. შევარდნაძის 11 წელს როგორ შეაფასებდით?

სამწუხაროდ - ისევ პროპაგანდისა და სიყალბის გავლენაა თქვენს შეკითხვაში... რატომ 11 წელს და არა 30 წელს? მოდით ცოტა არითმეტიკას მივხედოთ. შევარდნაზე საქართველოში ბატონობს 1972 წლიდან ანუ თითქმის სრული 30 წელია (მხოლოდ 1,5 წელი იყო მოსკოვში). ესე იგი საქართველოს მოსახლეობის უდიდეს ნაწილს არ ღირსებია ქვეყნის სხვა მმართველი გარდა შევარდნაძისა. იმას ვინც ახლა 45 წლისა ან უფრო ახალგაზრდაა (ანუ მოსახლეობის უდიდესი ნაწილი) - მათ ქვეყნის სხვა მმართველი არც ახსოვთ (ზვიადი პრეზიდენტის ოფისში თბილისში იყო მხოლოდ 9 თვე).

თითქმის არც ერთ მეფეს საქართველოს ისტორიაში ამდენ ხანს არ უმეფია -- გესმით? მ-ე-ფ-ე-ს! თქვენ კი -- 11 წელიო...

ამ ასპექტში მხოლოდ ერთს გეტყვით - დიდ საიდუმლოს! დასავლეთში უყვართ წერა და ლაპარაკი იმაზე, თითქოს საქართველოს კომპარტიის ცენტრალური კომიტეტის პირველი მდივანი და საბჭოთა კავშირის პოლიტიბიუროს წევრი, ამხანაგი შევარდნაძე ებრძოდა კორუფციას... კომუნისტური პარტიის იმ დროინდელ დოკუმენტებს თუ წაიკითხავთ - სულ სხვა რამეს გაიგებთ! იმ დოკუმენტებში წერია - რომ შევარდნაძე ებრძოდა - ციტატა: "კერძომესაკუთრულ ტენდენციებს საქართველოს ეკონომიკაში"! გესმით? მიხვდით? დიას! შევარდნაძე ებრძოდა არა კორუფციას (იგი თვითონ იყო და არის კორუფციის მამა საქართველოში) - არამედ ებრძოდა



8. 2 დეკემბრის საპარლამენტო არჩევნების შემდეგ განვითარებულ, “აბრეშუმის გადატრიალების” სახელით ცნობილ მოვლენებს, როგორ შეაფასებდი?

შეგისწორებთ - ამ გადატრიალებას ფართოდ „ვარდების რევოლუციას“ უწოდებენ. ჯერ-ჯერობით ეს არის ტიპობრივი “რევოლუცია ზემოდან”. ამ რევოლუციის უკლებლივ ყველა ლიდერი შევარდნაძის რეჟიმის ნაწილები არიან. ხვლიკმა იცის - როდესაც საშიშროება მოელის - კუდს მოინყვიტავს ხოლმე. რომ, მტრის ყურადღება კუდმა მიიპყროს და თითონ ხვლიკი კი გადარჩეს. ახლა მრჩება შთაბეჭდილება, რომ ხვლიკის კუდი შევარდნაძე და კიდევ რამდენიმე - რეჟიმის ყველაზე საძაგელი წევრი გახდება.

დრო დაგვანახებს გადაიზრდება ეს ყველაფერი ნამდვილ დემოკრატიულ, სახალხო, ეროვნულ რევოლუციაში თუ არა - მე პირადად ძალზე მეჭვვება... ისე კი გაგახსენებთ: „ვარდი უეკლოდ არავის დაუკრეფია“. არსებითად ცოტა იმედი მხოლოდ მიხეილ სააკაშვილის მაქვს - სულ ცოტა...



9. თქვენი აზრით, დღეს ვინ ან ვინები შეძლებენ საქართველოს სწორ გზაზე დაყენებას?

ზოგადად და საყოველთაოდ სწორ გზაზე დამყენებელი ყოველთვის და ყოველ დროში ერთი იყო, არის და იქნება... ხალხის მხრივ კი ზნეობა, კეთილშობილება, პატიოსნება, სიყვარული - რწმენა. ყველაფერი ეს ქართველ ხალხში ვერ მოსპეს, ვერ ამოშანთეს და სწორედ ეს იძლევა იმედს.



10. თქვენი აზრით, ვინ უნდა იყოს საქართველოს გვერდით მდგომი სუპერ-ძალა – რუსეთი თუ ამერიკა?

საიდან მოიტანეთ, რომ რუსეთი ზესახელმწიფოა? რა პარამეტრებით? დღევანდელი რუსეთი ეკონომიკური განვითარებითა და პოტენციალით დაახლოებით ისეთივე სახელმწიფოა როგორც პაკისტანი, ინდონეზია ან ბრაზილია - და თუ შიმშილით არ იხოცებიან, ეს მხოლოდ ნავთობის მაღალი ფასების შედეგია. ის რამდენიმე ათასი ატომური ჭურვი კი, რომელიც მას საბჭოთა იმპერიისაგან ერგო - მალე დაძველდება და გადაიყრება... 20-25 წელიწადში საქართველოს მოსაზღვრე დიდი და სულ უფრო მზარდი ძალა კი ალბათ ჩინეთი იქნება...

11. თქვენი აზრით, რუსეთი და ამერიკა საშუალებას მისცემენ საქართველოს არსებობისა და დამოუკიდებლობის შენარჩუნებისათვის? რუსეთი და ამერიკა როგორი სექტრთველოს მომხრენი არიან? ლუსეთი აფხაზების, ოსებისა და სომხების პროვოცირებით საქართველოს განადგურებას ცდილობს? თქვენი აზრით, საქართველოს რუსეთზე დამოკიდებულ მართვად

სახელმწიფოდ არსებობის უფლებას მისცემს; იმ შემთხვევაში, თუ საქართველო ამას არ დათანხმდება და ნატოში შესვლასა და ევროპაში ინტეგრაციას მოინდომებს, არსებობაში ხელს შეუშლის?



სულ მალე... დიდი-დიდი 10-15 წელიწადში საქართველო და თურქეთი ერთი ახალი დიდი საბჭოთა კავშირის ნევრი მოკავშირე რესპუბლიკები გახდებიან და მათი მთავრობა ბრიუსელში იქნება. მათ ექნებათ ერთი ფული, ერთი პასპორტი, ერთი არმია... ადგილობრივი პრეზიდენტები და პარლამენტები კი ფაქტობრივად პროვინციულ ხელისუფლებებად გადაიქცევიან. მოკლედ - საქართველო-თურქეთის ურთიერთობები ისეთი იქნება, როგორსაც ამას ბრიუსელი და ვაშინგტონი დაგეგმავს. საქართველოსა და თურქეთის ასეთი დაახლოება და თურქეთის შემდგომი დემოკრატიზება (რაც გარდუვალია - თუ არა და აგერაა იუგოსლავიის მაგალითი) კი უკეთეს საფუძველს შეუქმნის ქართველების და ქართველობის კულტურულ გაერთიანებასა და განვითარებას.

12. როგორ შეაფასებდით საქართველო – თურქეთის ურთიერთობას?

სულ მალე, დიდი-დიდი 10-15 წელიწადში საქართველო და თურქეთი ერთი ახალი დიდი საბჭოთა კავშირის ნევრი მოკავშირე რესპუბლიკები გახდებიან და მათი მთავრობა ბრიუსელში იქნება. მათ ექნებათ ერთი ფული, ერთი პასპორტი, ერთი არმია... ადგილობრივი პრეზიდენტები და პარლამენტები კი ფაქტობრივად პროვინციულ ხელისუფლებებად გადაიქცევიან. მოკლედ - საქართველო-თურქეთის ურთიერთობები ისეთი იქნება, როგორსაც ამას ბრიუსელი და ვაშინგტონი დაგეგმავს. საქართველოსა და თურქეთის ასეთი დაახლოება და თურქეთის შემდგომი დემოკრატიზება (რაც გარდუვალია - თუ არა და აგერაა იუგოსლავიის მაგალითი) კი უკეთეს საფუძველს შეუქმნის ქართველების და ქართველობის კულტურულ გაერთიანებასა და განვითარებას.



13. რას გვეტყვით აფხაზეთსა და სამხრეთ ოსეთზე? საერთოდ, საქართველოს მომავალზე როგორი პროგნოზები გაქვთ?

აფხაზები ჩვენი უახლოესი ნათესავები და ძმები არიან. თუ თურქული მოდგმის ხალხები მეგობრობენ, თუ ირანული მოდგმის, სლავური მოდგმის და სხვა ასეთი ხალხები მეგობრობენ - კავკასიური მოდგმის ხალხებმა - ქართველებმა და აფხაზებმა რატომ ვერ უნდა მოვახერხოთ ეს? აფხაზების წინაშე ისეთივე და უფრო საშიში დემოგრაფიული და ასიმილაციის საშიშროება დგას, როგორც ქართველების, ჩეჩნების, ინგუშების, დაღესტნელების და სხვა კავკასიური

მოდგმის ხალხების წინაშე. ჩვენ ჩვენი თავის გადარჩენას მხოლოდ ერთობლივი ძალისხმევით შევძლებთ. ალბათ მალე ამას ყველა მიხვდება.

14. აჭარის ავტონომიური რესპუბლიკის მმართველობა თბილისისაგან დამოუკიდებლად მოქმედებს. აჭარის მმართველობას თბილისისაგან გამოყოფა სურს? რას ფიქრობთ აჭარის მმართველობაზე, აჭარელ ხალხზე და აჭარის მომავალზე?

აჭარის ხელისუფლება ტიპობრივი პროვინციული ხელისუფლებაა, დროში საკმაოდ ჩამორჩენილი - მას მალე აუხსნიან "თამაშის" ახალ წესებს... იქაური ხელმძღვანელობა ცოტას ივაჭრებს და მერე "ძალა აღმართს ხნავს"... ბოლოს კი მათაც გადააგდებენ, დაამხოვენ - ასეთია მოვლენათა ლოგიკა. აჭარლები კი ქართველი ხალხის ერთ-ერთი შესანიშნავი, დიდებული და განუყოფელი ნაწილია - მას ისეთივე მომავალი ექნება როგორც დანარჩენ საქართველოს. აჭარა საქართველოს ერთ-ერთი კუთხეა...

15. თქვენი აზრით, საქართველომ ავტონომიური რესპუბლიკები უნდა გააუქმოს და უნიტარული სახელმწიფო გახდეს? თუ ავტონომიური სტატუსი არ უნდა გააუქმოს? ან აფხაზეთსა და ოსეთს გამოყოფის უფლება უნდა მისცეს და სახელმწიფო დააპატაროს?

საქართველომ აფხაზეთსა და ეგრეთ წოდებულ სამხრეთ ოსეთს დამოუკიდებლობაც რომ მისცეს - როგორ გგონიათ ამას მსოფლიო სახელმწიფოები სცნობენ? გახდება აფხაზეთი გაერთიანებული ერების ორგანიზაციის წევრი? ნუ ვიქნებით ასეთი მარტივად მოაზროვნეები.

მეორე მხრივ - როგორ გგონიათ, დასავლეთი ახლა რუსეთს ტერიტორიების გაფართოების უფლებას და საშუალებას მისცემს აფხაზეთისა და სამაჩაბლოს ხარჯზე? ასე ახლოს ვინ მიუშვებს რუსეთს სანუკვარ ნავთობის მილთან? მალე აფხაზეთშიც და სამაჩაბლოშიც ნატოსა და ამერიკის ჯარები იდგებიან... ისევე - როგორც საქართველოს ჯარია ახლა ერაყში...

დავუბრუნებდი პირობითად საერისთავოების მსგავს სტრუქტურას. ამ საერისთავოების რიცხვში იქნებოდნენ კახეთიც, ქართლიც, აჭარაც, აფხაზეთიც, სამურზაყანოც... რაღაცა გონიერი და მოზომილი ფედერალური სისტემა მაქვს შედგელობაში - საშუალოზე უფრო ძლიერი ცენტრის არსებობისას.



16. საქართველოს დამოუკიდებლობის მოპოვებიდან დღემდე რა წინსვლები და განვითარება მოხდა?

წინსვლა? განვითარება? თუმცა რატომ არა - მმართველმა კლასმა დიდი სასახლეები აიშენა, ძვირიანი მანქანები იყიდა, მათი შვილები ოქსფორდში და კემბრიჯში ინვრთნიდნენ... მათი ცოლები უძვირფასეს პარიზულ ტანსაცმელს იცვამენ, შვეიცარიის ბანკებში დიდი ფული გადამაღეს... ძალიან წინ წავიდნენ და განვითარდნენ... კიდევ - კალენდარი სულ წინ და წინ მიდის - არ ჩერდება... წელი - წელს ემატება.

17. საქართველოს ხალხი უმუშევრობასა და სიღარიბეშია. ამ მდგომარეობაში ხალხი კიდევ რამდენ ხანს გაძლებს? გჯერათ თუ არა, რომ სახელმწიფო შეძლებს უმუშევრობისა და სიღარიბის პრობლემის გადაჭრას?



უფრო დიდი გაჭირვებაა ჩვენეთში, ავღანეთში კი 35 წელია განუწყვეტელი ომია - ამის მიუხედავად ავღანეთში ყველაზე მაღალია მოსახლეობის ზრდის ტემპები. ყველაფერი შედარებითია... ასეთ და კიდევ უარეს მდგომარეობაშიც ქართველი ხალხი გაძლებს თუ მომავლის რწმენა და საბოლოო გამარჯვების იმედი ექნა.

სახალხო სახელმწიფოს ძალუძს გადაჭრას ნებისმიერი ეკონომიკური პრობლემა - ეკონომიკა ისეთივე ძველი გამოგონებაა როგორც კაცობრიობაა. აქ არაა საჭირო ველოსიპედის გამოგონება - მთავარია სახელმწიფო ხალხის მტრის, ყაჩაღებისა და მძარცველების ხელში არ იყოს.

საერთოდ - განა ადამიანს ბევრი უნდა - რომ ბედნიერი იყოს? თუ შურს დასძლევს?

18. თქვენი აზრით, რა უნდა გაკეთდეს საქართველოს დემოკრატიის, ეკონომიკის, მრეწველობის, სახელმწიფო შემოსავლის, ჯანმრთელობისა და სოციალური მდგომარეობის განვითარებისათვის?

არის ამისი საკმაოდ მარტივი, მარვაღგის გამოცდილი და სანდო ხერხები და მეთოდები.

მთავარია არ იყოს მტრული ხელისუფლება... მოლაღატე ყაჩაღების ძალაუფლება...

19. თქვენი აზრით, მომავალ წლებში ვიხილავთ პრობლემებგადაჭრილ, ძლიერ საქართველოს?

ახლა საქმე ქართველი ერის, ქართული ცივილიზაციის გადარჩენაზეა... ყოფნა-არყოფნაზეა... დანარჩენი კი მერე გამოჩნდება. ძალზე ძნელი ბრძოლა მიმდინარეობს... საქართველოს, ქართველობას არ პატიობენ მოჯანყობას, რუსეთის იმპერიის დანგრევას და დამოუკიდებლობის პრეტენზიას. მსოფლიოს არ უყვარს დაუმორჩილებლობა და ნამდვილი დამოუკიდებლობა! არ უყვარს მოჯანყებები...

საქართველოს 10 წელიწადში მოსახლეობის 20 პროცენტი დაეკარგოს... ყველაზე დიდი ომების დროსაც კი... შვედრდნადის კლექტოკრატულმა რეჟიმმა არსებითად ქართველი ხალხის გენოციდი მოაწყო... უახლოეს ხანში ვერავითარ სანუგეშოს ვერ ვხედავ - სამწუხაროდ.

21. რა უნდა გაკეთდეს სხვადასხვა ადგილებში მცხოვრები ქართველების საქართველოში დასაბრუნებლად და საჭიროა თუ არა ორმხრივი მოქალაქეობა?

განა "იქ" წასული და მონყობილი ვინ დაბრუნებულა? იტალიელი? ირლანდიელი? თურქი? სხვა საკითხია, რომ ახლა არსებობს კონტაქტების უდიდესი საშუალებები - მაგალითად ფინეთში მცხოვრები ქართველობა წელიწადში ერთხელ მაინც ჩადის საქართველოში. ინტერნეტი, სატელეტური ტელევიზია თითქოს იძლევიან საშუალებას უცხოეთში მცხოვრები ქართველი არ მოსწყდეს სულიერად საქართველოს და რაღაცნაირად ისევ საქართველოს ნაწილად დარჩეს. ეს დამაიმედებელია.



22. იქედან გამომდინარე, რომ საქართველო და თურქეთი მეზობელი ქვეყნები არიან, თურქეთის რესპუბლიკის მოქალაქე ქართველების საქართველოში მიმოსვლის გასაადვილებლად რა უნდა გაკეთდეს?

საერთოდ, ისე შეიძლება მოხდეს, რომ ქართული ჯიშის, გენის დიდი ან უდიდესი ნაწილი თურქეთის რესპუბლიკაში აღმოჩნდეს (თუ უკვე ასე არაა). თურქეთის ქართველობამ უნდა ისწავლოს დასავლური დემოკრატიების იმ ინსტიტუციებისა და ორგანიზების ხერხების გამოყენება - რომელიც კულტურებისა და კულტურული ურთიერთობების გასაძლიერებლად და

გასაღრმავებლად გამოდგებიან. დიდი ქართული მამულიშვილობა სწორედ ახლა მართებთ თურქეთში მცხოვრებ ქართველ ფულიან ადამიანებს - რათა ამას ფინანსური საფუძველი შეუქმნან - ღვთისა და ერის წინაშე ისინი ამაზე უკეთეს საქმეს ვერ გააკეთებენ.

მაგრამ, ამ საქმეში საქართველოს ხელისუფლებამაც უნდა ივარგოს - იბრუნოს ქართული კულტურის ექსპორტზე და განმტკიცებაზე თურქეთში.

"ჩვენებურის" სახელით დიდ მადლობას მოგახსენებთ ინტერვიუსათვის.

წინასწარ გილოცავთ ახალ წელს და გისურვებთ წარმატებებს!

პასუხების გადამთარგნელი : ლელა დადიანი